

補遺

災祥

金熙宗皇統九年四月丁丑有龍鬪於利州

中京犬
定府屬

榆林河

上大風壞民居官舍十六七木瓦人畜皆飄揚十餘里死傷者數百同知州事穆嚕里壓死

元文宗至順元年七月大甯保定益都諸屬縣及京畿諸衛大司農諸屯水沒田八十餘頃

紀事

遼聖宗開泰七年四月賑中京貧乏

奉化縣志

補遺

一

道宗清寧八年五月賑中京

天祚帝保大二年乙亥金克中京

金熙宗大定四年二月以北京粟價騰貴詔免今年課十二年三月北京曹貴等謀反伏誅

章帝泰和元年八月詔推排西北京遼東三路人戶物力

元仁宗皇慶二年三月以晉甯大同大甯四川鞏昌甘肅饑禁酒四月眞定保定河間大甯路饑並免今年田租十之三仍禁釀酒七月免大甯路今歲鹽課

英宗至治三年九月大甯蒙古大千戶部風雪斃畜牧賑米

十五萬石

泰定帝泰定三年六月大甯廬州德安梧州中慶諸路屬縣水旱並蠲其租十一月瀋陽遼陽大甯等路及金復州水民饑賑鈔五萬錠

四年三月大甯廣平二路屬縣饑賑鈔二萬八千錠

文宗元統二年六月大甯廣甯遼陽開元瀋陽懿州水旱蝗大饑詔以鈔二萬錠遣官賑之

勳職

國朝勳封

奉化縣志

補遺

二

達爾罕親王

覺爾圖親王

溫都郡王

達爾罕王旗貝勒

達爾罕王旗貝子

達爾罕王旗哈公

達爾罕王旗德公

達爾罕王旗棍公

以上各王貝勒貝子公田產都在奉化境以採訪考究迄

未詳明姑補錄於此

仕進

王會清候選訓導

選舉

劉毓棠寄外籍生員

武職

王瑞圖捕盜營千總邑之南郭家店人

捐職

九品銜林文珠附貢林萬春之父

奉化縣志

補遺

三

藝文補

前調任 盛京軍憲工部堂憲曉諭邊民開墾事宜告

示

欽差

吉

盛京工部侍郎署理刑部侍郎

林

將

部侍郎事

軍富

為剴切曉諭墾荒佃

戶各宜凜遵共安生業事本將軍侍郎欽遵

諭旨查辦達爾罕王旗招民墾荒一事歷查原卷內嘉慶二十二年

理藩院僅據鄂勒貝勒呈稱游牧處皆係閑荒之語不為詳

查即行入

奏至將蒙古墳垣及開種多年之地概行報佃甚至有土著蒙

奉化縣志

補遺

四

古逐遷他處者查游牧閑荒報佃取租原為有益於眾蒙古

起見今反騷擾作踐以致眾蒙古紛紛具控經該盟長印文

呈報

盛京將軍衙門本將軍侍郎除將辦理不善之鄂王達爾漢王

等另行參辦外合亟剴切曉諭示仰佃種達爾漢王旗閑荒

民人等知悉現在本將軍侍郎委員前詣荒界會同蒙古王

公詳細履勘所有荒內蒙古等原有之村屯墳墓熟地樹林

仍還蒙古原人其餘閑荒除沙窪水甸不堪耕種之地外按

時有憑據過給銀數多寡均勻分給各攬頭佃戶承領凡出

過銀兩佃戶等均應聽官查丈另行按名指給地段承領墾種各安生業不得仍前恃已出銀強霸佔種自權法網示後倘有不遵定卽拘拿嚴究從重治罪決不寬貸凜之慎之毋違特示

前銜

富齡

爲剴切曉諭各佃戶遵照永遠安業事照得爾民間得邊外蒙古招民開地是以紛紛前來無如蒙古勸辦未能妥立章程明白示諭以致衆民無所認承不得不找攬頭查各攬頭多係趨利若鶩之徒鑽營謀幹許給蒙古銀兩認領荒地不論晌畝惟以里數爲段鯨吞到手然後輾轉愚爾衆奉化縣志

補遺

五

佃只圖多收押荒銀兩重複指給以致爾等互相爭控既控到官原應聽候官爲剖斷何得私行強奪毆打甚至釀成人命

國法具在不能不按法究治拘審拖累廢時失業爾等何愚至此試思爾等原爲領種地畝養贍身家而今未得地益先受苦累情實堪憐是皆不肖之攬頭只圖肥己欺愚蒙民所致於中侵食之數不少各攬頭外欺蒙古內愚衆佃是

皇上施恩蒙古之地反爲各攬頭漁利之藪良心何在今本將軍侍

郎奉

命審辦此案查悉前情殊堪痛恨大凡討便宜無不吃虧趨利者罔
不受害各攬頭所給蒙古王公銀兩或係借用鋪商或收之
佃戶准卽帶領鋪商佃戶赴局填領執照如領地之外尚有
多交銀兩者再計年租抵楚仍不得攬種多地今與蒙古王
公商立公益地局刻有蒙古漢字執照無論何處民人新陳
攬頭佃戶有愿領地者到公益局請領執照每人只許認領
三十晌不得過數如有戶繁口多不妨父子弟兄各領一分
足資耕種過度每晌議定押荒銀一兩其前已交攬頭銀兩
有據者今攬頭帶赴地局寫給領地執照作爲蒙古王公抵

奉化縣志

補遺

六

還攬頭欠項爾等不必再交押荒銀兩自領地之日起第五
年納租每晌交租小數錢二千三百交小租錢一百文作爲
局用盤費如無公益局執照一概不准種地如此蒙古民人
兩有裨益並免日後輾轉報佃押租銀地兩空致滋爭端興
訟有害生計各宜凜遵毋違特諭

按右告示係全志脫稿後友人始行查覆者枝節紛繁不
及詳載僅摘錄二則以見開墾之始動關 廟堂擘畫咨
諏良匪易易今之得以各安生業力穡有秋者不可竟忘
所自來也

苗烈婦

紹興屠春芳

從知烈性本天成一死心甘恨不平記得中宵披案牘秋風
懍懍震窗鳴

梨城

屠春芳

芳城冷豔足銷魂一例春寒總不溫回首前朝落晴雪梨
花滿地不開門

用劉方平句

奉化縣志

補遺

七

志餘

創修奉化縣志採訪各類事實條例

地里類

一考本境山川先顯大者尤須知其源委形勢爲要其小者有關証佐或竟以事著名亦須採入道里遠近方隅向背宜詳細註明均以縣治爲的如在縣治某方若干里之類其地有人物考據品物出產皆宜附錄

一本境風俗先其美善者備錄之但不可加粉飾其或有未善理宜移易者亦務求知以告後之賢士大夫任責焉自

奉化縣志

志餘

一

冠昏喪祭之大及歲時伏臘之細皆著於篇

一本境內壇廟素著靈應者宜訪記之

一境內古蹟有真正確據或衆口稱述已久者俱詳錄之

一本境共分九社其某村某屯隸於某社詳著於篇其零星

小屯堡但有名者須名之無名者以附近之屯統名之

一村鎮中有集市者詳其期日

一自咸同以來境內屢遭兵燹與夫自昔所傳事蹟較大而不可泯忘者須考其原委詳錄之以備載書如前慶文徐三公殉難之

類尤宜
特詳

建置類

一本境關梁有無關乎要隘利害者俱宜詳訪

一境內名人壟墓及義塚須考之

災祥類

自昔歷年歲有大熟或水旱成災以及天地人物之反常者
爲妖爲祥其詳考之

人物類

一十室之邑必有忠信其境內有孝子悌弟敦宗睦族古誼
可風者又軍興以來義男烈婦有臨難不屈者均不可以
奉化縣志

泯沒須詳訪記錄用備表彰其中有事蹟卓著暨殉難人
數較多紳士例得詳具公呈以邀

志餘

二

旌典

一節婦已邀

旌典固亟宜訪求其間有事實可風聲聞顯著者尤宜詳爲訪
錄以備載書至未得

旌表而年例已符本人雖存亦宜列入書以待之用勵美俗所
採固不可濫尤要在於無遺徵顯闡幽慎旃毋忽

一本邑人有仕蹟可錄者特記之

選舉類

一本邑登進士第及中式乙科者聞尚闕如其有貢入成均者雖例貢亦志書所宜載其詳考境內正貢例貢凡有幾人錄於篇卽其先由昌圖居來者皆可屈指焉

一向來文武各生及捐職例監志書不載今以創建伊始於採輯之中寓鼓舞之意擬創例附錄於後其凡境內自設立學校歲科取進縣學及撥府文武各生與夫捐職例監諸人望卽詳錄於篇爲可

藝文類

奉化縣志

志餘

三

一凡境內祠廟碑記銘偈俱詳爲訪錄

一本邑人有所著書籍及撰述古蹟考據或立說有關人心風俗者訪錄之

物產類

穀粟關乎民天藥材以療民疾是物產之要者宜特詳其他珍寶器貨與夫鳥獸草木鱗介蟲豸各等類但爲本境所有則須備考之悉錄於篇

雜記類

街談巷議之事俚俗歌謠之辭凡有關於美惡勸懲並足以

廣聞見者附錄之

以上各條俱須資採訪者本邑建置未遠文鮮可徵而獻有可考其如鄉間耆老閱事既久記述有心者當不乏人願諸君各虛衷訪求勿恥下問毋憚煩勞將來協助果竟成書一邑之光大家之幸也爲厚望焉再採訪事宜擬以三月爲期勒齊以便酌量載筆諸君採訪如有所得或十日或半月或廿日而月務將記冊陸續送交尤爲殷盼

上 盛京刑部寶少司寇稟

奉化縣志

志餘

四

竊卑職

前曾以創修奉化縣志面稟鈞座矣現有奉化文生

王肇岐採訪得咸豐元年

上諭一道既詳奉邑前代沿革又防丈地滋事積弊允宜恭載志書以爲觀勸唯事關

諭旨未敢竟據傳鈔片紙信無一字之訛操觚率爾且該生所鈔實非全文亦屬不合而咸豐建元邸鈔目下無從覓閱既明係大部堂存案尚幸年代未遠應無難於檢查伏乞 大人俯念卑職 修志愚誠飭書吏檢視原卷照錄全文

上諭一道賜與寄下則感荷盛德無涯矣

終

奉化縣志後序

周禮內史掌天下之志外史掌
四方之志其後代郡國志之萌
萌芽秦漢而還方書地志遂
盛行於世則志者固史之支
流而史之軀本史之為任甚

奉化縣志

後序

一

鉅志之事亦豈易言故昔人謂
史有三長吾則謂志有三難焉
無遇難無識難無書尤難也何
言之既曰邑志則一邑之沿革詳
焉掌故在焉人物亦備焉然官紳
合志或資費無出或採訪不力皆

弗能期其必成必行也即如余
籍安州奉沮洳之鄉入
國朝來州志吾邑人僅兩修之而一
毀板行世一藏於家近年大
憲以修

畿輔通志嚴檄各郡縣增輯邑乘

奉化縣志

後序

一一

而吾州適大水官無以應事亦
竟寢是何遇之難也奉化設縣
未及十載錢少如司馬初官茲
土即慨然有志於此可謂知為
政之本者又適有趙復村學博
章潤山明府先後推轂相與贊

成司馬果捐廣獨任之以託於成
是誠雜而不雜矣其奉邑以幸
遇或至若立言各有其體纂言
必提其要則又撰述者之責馬
失其侷要即一事累千百言揚
厲鋪張終無所用而如康海志

奉化縣志

後序

三

武功崔銳志安陽屈一邑之書
胡為學士所愛重而陸清獻公之
竊壽志又胡為世所宗法無他學
不同識不同也奉化志司馬厲
筆於余、以謫陋辭不獲已乃
本夙所輸服清獻者師其意而為

之大抵就時論事因地制宜不離
乎由人為善之意者近是雖學
識淺鄙去前賢遠甚而取法字上
謹不步趨亦雜而猶未為雜也若
是者言奉化則奉化已耳志新
建邑遑向支古必欲求古以實

奉化縣志

後序

四

化附會則鑿矣千尋之木起於徑
寸萬里之流始於濫觴苟以無根
之芝無源之醴將何由扶其根並
濬其源他人創志者亦夥矣或本
境無所稽猶可取證旁隣比例而
顯若奉邑之屬蒙疆鮮有紀載

坐古遙集徒穆然大漠飛沙遼
水橫流而已指南二百里越邊唯
開原有邑志其所言開原即元開
元路金會甯府考金史會甯之
長白山混同江在今吉林境去此
猶遠固已誤矣而又何昉歟故爰獻

奉化縣志

後序

五

渺文微纂志者所甚難耳余不得
已由

本朝

聖武記暨時人地理韻編沿溯前史會証

大清一統志拉影射光若有所遇而新
編古簡左紐右牽徒嘔心肝仍復

百孔千瘡終難自信昔龍門作史
半依世本猶不免為人所譏予何
人斯而能以無取謗耶今之妄訂
沿革一則南支前動前哲等篇所
坐博雅君子引繩而正之斯善矣否
則諒余之難輪廓雖具仍視為缺

奉化縣志

後序

六

文則猶為知己也已因書既成通紀
其崖略如此吁不綦難哉昔在
光緒十有一年乙酉孟夏濡陽陳文煒
謹志於興京署之奪綠山房

